

BOSNA I HERCEGOVINA  
FEDERACIJA BOSNE I HERCEGOVINE  
BOSANSKO - PODRINJSKI KANTON GORAŽDE  
OPĆINSKI SUD U GORAŽDU  
Broj: 045-0-Su-24-000 881-6  
Goražde, 17.12.2024. godine

Na osnovu člana 31. Zakona o sudovima u F BiH („Službene novine Federaciji Bosne i Hercegovine“ broj: 38/05, 22/06, 63/10, 72/10, 7/13, 52/14 i 85/21) u postupku konkurentskog zahtjeva za dostavljanje ponuda za nabavku usluga procjene stanja objekta Općinskog suda u Goraždu, a u skladu sa članom 72. stav 3. tačka a) Zakona o javnim nabavkama u BiH („Sl. Glasnik BiH“ broj: 39/14, 59/22 i 50/24), predsjednica Općinskog suda u Goraždu dana 17.12.2024. godine donosi sljedeću:

#### ODLUKU

o dodjeli ugovora drugorangiranom ponuđaču u postupku nabavke usluga procjene stanja objekta Općinskog suda u Goraždu

#### Član 1.

Ugovor za nabavku usluga procjene stanja objekta Općinskog suda u Goraždu dodjeljuje se drugorangiranom ponuđaču: Smajić – Inženjering d.o.o. Goražde, ulica Zaima Imamovića bb, Goražde, sa ponuđenom cijenom u iznosu 1.549,00 KM bez PDV-a, što u konačnici s uračunatim PDV-om iznosi 1.812,33 KM, čija ponuda je druga po rang listi nakon E-aukcije.

#### Član 2.

Ovom odlukom stavlja se van snage odluka o izboru najpovoljnijeg ponuđača broj: 045-0-Su-24-000 881-5 od dana 05.12.2024. godine kojom je Ugovor za nabavku usluga procjene stanja objekta Općinskog suda u Goraždu dodjeljen ponuđaču Centar za projektovanje i konsalting “CPK” d.o.o. Banja Luka.

#### Član 3.

Po okončanju roka za žalbu, ugovorni organ će sa izabranim ponuđačem zaključiti ugovor kojim će regulisati međusobna prava i obaveze.

#### Član 4.

U skladu sa odredbama člana 70. stav 6. Zakona o javnim nabavkama ugovorni organ će objaviti ovu odluku na svojoj web stranici, i to istovremeno sa upućivanjem iste ponuđačima koji su učestvovali u ovom postupku javne nabavke.

#### Član 5.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članu 71. stav 2. Zakona o javnim nabavkama.

## Obrazloženje

Odlukom o nabavci, broj: 045-0-Su-24-000 881 od dana 22.10.2024. godine, pokrenut je postupak javne nabavke usluga procjene stanja objekta Općinskog suda u Goraždu. Javna nabavka je provedena putem konkurentskog zahtjeva za dostavljanje ponuda, a kriterij za dodjelu ugovora je najniža cijena.

Obavještenje o nabavci predmetnih usluga objavljeno je na Portalu javnih nabavki dana 11.11.2024. godine, broj obavještenja 32506-7-2-2-3-3/24. Tenderska dokumentacija objavljena je zajedno sa navedenim obavještenjem. Komisija za nabavke u okviru svojih nadležnosti i ovlaštenja provela je predmetni postupak nabavke, te o tome sačinila Zapisnik o prijemu, pregledu, ocjeni i vrednovanju ponuda poslije E-aukcije, broj: 045-0-Su-24-000 881-4 od dana 05.12.2024.godine.

Prvorangirani ponuđač Centar za projektovanje i konsalting "CPK" d.o.o. Banja Luka zaprimio je dana 09.12.2024. godine putem preporučene pošte obavještenje o rezultatima postupka zajedno sa Odlukom o izboru najpovoljnijeg ponuđača broj: 045-0-Su-24-000 881-5 od dana 05.12.2024. godine, Zapisnikom o prijemu, pregledu, ocjeni i vrednovanju ponuda broj: 045-0-Su-24-000 881-4 od dana 05.12.2024. godine.

Ponuđač u ostavljenom roku nije dostavio tražene dokumente iz člana 45. Zakona o javnim nabavkama, odnosno nije u roku od 5 (pet) dana od dana zaprimanja obavještenja dostavio dokaze o ličnoj kvalificiranosti iz tačke 12.5. tenderske dokumentacije, odnosno originale ili ovjerene kopije dokumentacije ne starije od tri mjeseca iz tačke 12.5. tenderske dokumentacije.

Iz navedenih razloga u skladu sa članom 72. stav 3. tačka a) Zakona o javnim nabavkama u BiH („Sl. Glasnik BiH“ broj: 39/14, 59/22 i 50/24), kojim je definisano da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti da dostavi originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ, to se ugovor za nabavku usluga procjene stanja objekta Općinskog suda u Goraždu dodjeljuje ponuđaču Smajić – Inženjering d.o.o. Goražde, ulica Zaima Imamovića bb, Goražde, sa ponudenom cijenom u iznosu 1.549,00 KM bez PDV-a što u konačnici, s uračunatim PDV-om iznosi 1.812,33 KM, čija ponuda je druga po rang listi nakon E-aukcije.

U skladu sa naprijed navedenim odlučeno je kao u dispozitivu ove odluke.

**PRAVNA POUKA:** Protiv ove Odluke može se izjaviti žalba u roku od 5 (pet) dana od dana prijema ove Odluke, a u skladu sa članom 97, 99, i 100. Zakona o javnim nabavkama u BiH („Sl. Glasnik BiH“ broj: 39/14, 59/22 i 50/24).

Goražde, 17.12.2024. godine  
Broj: 045-0-Su-24-000 881-6



PREDSJEDNICA SUDA

Lejla Ferhatović